

本草品彙精要

本草品彙精要卷之二十四

獸部中品

七種神農本經

朱字

六種名醫別錄

黑字

一種唐本先附

注云唐附

一種今補

四種陳藏器餘

已上總一十九種

鹿茸

骨角髓  
腎肉附

麋脂

角肉骨茸附  
自下品今移

白膠

鹿角霜附自  
上品今移

殺羊角

髓膽肺心野  
齒肉骨屎附

羊乳

自上品  
今移

牡狗陰莖

膽心腦齒骨  
蹄血肉附

羚羊角

犀角

虎骨

膏爪  
肉附

兔頭骨

腦肝  
肉附

筆頭灰

唐附

狸骨

肉陰莖  
貓附

麋骨

肉髓  
附

豹肉

豹附

獅子屎

毛附  
今補

四種陳藏餘

犢子臍屎

靈貓

震肉

鷺鷥

--	--	--	--	--	--	--	--

本草品彙精要卷之二十四

獸部中品

毛蟲

鹿茸

附角骨髓肉  
腎俱無毒

鹿茸

出神農  
本經

主漏下惡血寒熱驚癇益氣強志生齒

不老○角主惡瘡癰腫逐邪惡氣留血在陰中

以上  
朱字

神農  
本經

鹿茸療虛勞洒洒如瘡羸瘦四肢酸疼腰痛

小便利洩精溺血破留血在腹散石淋癰腫骨中熱

疽癢○骨味甘微熱無毒主安胎下氣殺鬼精物不  
可近陰令痿久服耐老○角味鹹微溫無毒主除小  
腹血急痛腰脊痛折傷惡血益氣○髓味甘溫主丈  
夫女子傷中絕脈筋急痛欬逆以酒和服之良○腎  
平主補腎氣○肉溫補中強五臟益氣力生者療口

僻割薄之

以上黑字  
名醫所錄

**地**

圖經曰舊不載所出州土今  
有山林處皆有之於四月角

欲生時取之以其形如小紫茄者爲上或以茄茸太  
嫩血氣猶未全具不若以分岐如馬鞍者爲有力月  
令云夏至一陰生鹿角解冬至一陽生麋角解麋卽  
鹿之大者也各隨時解落然麋茸利補陽鹿茸利補

陰今人類用之殆疎矣麋鹿角自生至堅完無兩月  
之久大者二十餘斤其堅如石凡骨之類成長無速  
於此雖草木至易生亦無能  
及之豈可與凡骨爲比也

**時** 生夏至採初生時取  
後生 茸七月取

角

**收**

陰乾及火乾者大好

**色**

紫

**味**

甘酸

**性**

溫

**氣**

氣厚於味陽也

**臭**

膾

**主**

助

陽

氣壯

**助**

骨麻勃爲之使鹿角杜仲爲之使

**製**

衍義曰凡使先以薄酥塗勻於烈焰中急灼之

若不先以酥塗恐火傷茸俟毛淨微炙入藥用

**治**

療唐本注云頭止消渴煎之可作膠服之彌善。

筋主勞損續絕。髓脂主癰腫死肌溫中四肢不隨

。頭通腠理。角主猫鬼中惡心腹疰痛。血主狂

犬傷鼻衄折傷。齒治留血滯氣及鼠瘦心腹痛。日

華子云鹿茸破瘀血殺鬼精安胎下氣。角以火炙

熱熨小兒重舌驚口瘡。生肉治偏風左患右貼右

患左貼。頭肉治煩懣多夢。孟詵云頭肉止消渴治



夜夢見鬼。○蹄肉治脚膝疼痛別錄云溺利五臟調  
血脈。○筋療骨硬以鹿筋漬之索緊令大如彈丸持  
筋端吞之候至髓處徐徐引之髓著筋出之。○角補  
燒灰以水塗治竹木刺入肉皮中不過一夕而出

日華子云茸補虛羸。○腎益中氣安

倉

茸酥炙爲末  
空心合酒服

五臟壯陽氣。○肉益氣力助五臟

方寸七補男子腰腎虛冷脚膝無力夜夢鬼交精溢  
自出女人崩中漏血赤白帶下並治之。○角錯爲屑  
合白蜜五升淹之微火熬令小變暴乾搗篩細末三  
指一撮合酒服之令人輕身益氣強骨髓補絕傷及  
婦人夜夢鬼交。○角燒灰合酒調服方寸七日三夜  
一治女子胞中餘血不盡欲死者立效。○角燒灰爲  
末合小豆汁和塗重舌下日三度瘥。○鹿髓合地黃  
汁煎作膏填骨髓壯筋骨止嘔吐。○合蜜煮服壯陽  
氣令人有子。○生肉合生椒同搗傅治中風口偏不  
正如口正速除之。○血和酒服之治肺痿吐血及崩

中帶下。○血和酒服之充氣血止饑渴。○腎一對去  
脂膜切浸豉汁中入粳米二合和煮粥入五味之法  
調和空腹食之治腎氣虛損耳聾。○角一具酥炙令  
焦搗篩細末合酒服方寸匕治腎消小便數。○角燒  
末合苦酒調塗治蠹蝮尿瘡。○生角剉搗細末合人  
乳調一字服治小兒瘡疾先發時服之。○角爲細末  
合酒調三指撮治男女善夢鬼交及恍惚者。○角燒  
爲末和豬脂傅丹毒惡瘡。○角爲細末二三方寸匕  
合葱豉湯服之治胎死腹中立出。○蹄四隻燂洗如  
法熟煮取肉內豉汁中著五味煮熟空腹服之治諸  
風脚膝疼痛不可踐地。○角屑二大兩熬冷微黃搗  
末合酒一盞調服方寸匕治腎臟虛冷腰脊痛如錐  
刺。○角末和豬脂膏塗之治人面目卒得赤黑丹似  
疥狀如不急治遍身卽死。○角一枚長五寸合酒二  
升燒角赤內酒中浸一宿飲之治卒腰痛。○茸不限  
多少塗酥炙紫色爲末合酒調下一錢匕治腰膝疼

痛。角灰和酢塗之。治馬鞍瘡。角燒末合豉汁。方寸七日。三服。漸加至三錢。七療煩悶腹痛。畜血不盡。角屑熬令黃赤。研酒服。方寸七日。五六服。治腰痛。角五寸燒赤。內酒一大升中。浸之。冷又燒赤。又浸如此數。過細研空心合酒調服。方寸七。治妊娠卒腰痛。**禁**不可輒其氣能傷人。**解**鹿肉能解**服**麋茸諸藥毒為偽。

### 麋脂

角肉骨茸附俱無毒

### 麋脂

出神農本經

主癰腫惡瘡死肌寒風濕痺四肢拘緩

不收風頭腫氣通腠理

以上朱字神農本經

柔皮膚不可近陰

令痿。角主痺止血益氣力

以上黑字名醫所錄名遁脂地陶

居云生南山山谷及淮海邊今海陵間最多千百爲羣多牝少牡人言一牡輒交十餘牝交畢卽死其脂墮土中經年人得之方好名曰遁脂麋性乃爾淫快不應痿人陰一方言不可近陰令陰不痿此乃有理唐本注云麋茸服之功力勝鹿茸煑爲膠亦勝白膠言遊牝畢卽死者此亦虛傳遍問山澤人不聞遊牝畢致死者別錄云按禮記月令仲夏鹿角解仲冬麋角解日華子謂麋角夏至解誤矣疏曰據熊氏云鹿是山獸夏至得陰而解角麋是澤獸故冬至得陽氣而解角今以麋爲陰獸情淫而遊澤冬至陰方退故解角從陰退之象鹿是陽獸情淫而遊山夏至得陰而解角從陽退之象也

**性**

溫散

氣厚於味陽也

**臭**

羶

**主**

補虛損益陽道

**反**

畏大黃

**治**

療日華子云治風

**用**

脂肉骨茸

**味**

辛

氣孟詵云茸作粉服治丈夫冷氣及風筋骨疼補日痛別錄云脂治年少氣盛面生皴瘡塗之卽瘥

華

子云角添精補髓益氣血暖腰膝悅色壯陽及治腰膝不仁補一切血病孟詵云肉益五臟不足氣○骨

補虛

**倉**

骨煮汁釀酒飲之令人肥白美顏色○角截

勞

七補虛勞填骨髓及卒心痛○茸作粉合漿水調塗

面令不皺光華可愛○茸五兩去毛塗酥炙微黃爲

末合清酒二升於銀鍋中慢火熬成膏磁器盛每服

半匙溫水調下空心或食前服之治老人骨髓虛竭

甚

**禁**

肉多食令人弱房及發脚氣

**忌**

肉不與雉肉同食及魚鰕生菜梅李果實同食皆病人

白膠

附鹿角霜俱無毒

熬鍊成

白膠

出神農本經

主傷中勞絕腰痛羸瘦補中益氣婦人

血閉無子止痛安胎久服輕身延年

以上朱字神農本經療吐

血下血崩中不止四肢酸疼多汗淋露折

音

舌跌

音

傷

損煑鹿角作之

以上黑字  
名醫所錄

**名**

鹿角膠  
黃明膠

**地**

雷公云鹿出  
雲中山捕得

取其角須全戴者並鋸長三寸許以物盛於急水中浸之一百日滿出用刀削去麤皮一重了拭去水垢令淨然後用醢醋煑七日旋旋添醋勿令火歇戍時不用著火只從子時至戍時也日足其角白色軟如粉卽細搗作粉却以無灰酒煮其膠削了重研篩過用每修事十兩以無灰酒一鎰煎乾爲度也今熬膠之法採鹿年歲久其角堅好新鮮全具者先用本鹿天靈蓋及皮同裹之安室上一宿以歸魂也後將角鋸成段子長二三寸許以竹籃盛於長流水中浸三七澆出清水洗去垢穢以大鍋一口用桑木篋子安鍋底內却用桑皮鋪於篋子上層層鋪角注長流水八分再旋旋添水煮一日候角軟乘熱削去麤皮每

角十斤用人參茯苓各四兩楮實子八兩仍於鍋內如前安桑木篋勿令著鍋底篋子上鋪桑白皮一層却將鹿角層層鋪注長流水八分以人參茯苓楮實子用夏布袋盛之同入鍋內下用桑柴火再旋旋添水慢煮至三日夜或五日夜七日夜候角內虛白漉出角則成霜矣却將原煮角汁水再用細絹袋濾過於銀器內盛之以重湯鍋內微火慢慢熬至稠粘黃黑色者卽成膠也

**收用** 陰乾者明淨色

**黃黑** 味甘 性平 氣緩 味陽也 **臭** 腥 **主** 補中 益氣 **助** 得火 **反** 畏大

**治** 療藥性論云能安胎去冷氣止吐血及漏下赤白別錄云傳瘡腫四邊中心留一孔其腫卽起頭

而自開也。凡腫已潰未潰者以膠一片水漬令軟納納然隨腫大小貼當頭上開孔若已潰還合者膿當被膠急撮之膿皆出盡未有膿者膿當自消矣。膠三兩水二升煮取一升四合分二服治尿血。膠

水煎令稀稠得所補藥性論云主男子腎臟氣

待冷塗湯火瘡

衰勞損婦人服之令有子

**倉**以膠

炙令半焦爲末一錢七合人參末二錢七薄豉湯一盞入分葱少許入銚子煎一二沸服治咳嗽不瘥者每呷三五口其嗽漸止。膠一兩切作小片子炙令黃合新綿一兩燒作灰細研每服一錢七新米飲調下臨臥服之治吐血咯血立效。乾膠三兩炙搗細末合酒二升溫服治虛勞尿精。膠炙搗爲末合酒服方寸七日三服補虛勞益髓長肌悅顏色令人肥健。膠二兩合酒煮消盡頓服之治妊娠卒下血膠慢火炙爲末合酒調服一錢療小兒面上瘡豆子癩已出者服之無癩未出者服之瀉下

### 殺羊角

無毒附髓膽肺心腎齒肉骨屎

胎生

### 殺羊角

出神農本經

主青盲明目殺疥蟲止寒洩辟惡鬼



虎狼止驚悸久服安心益氣輕身

以上朱字  
神農本經

療百節

中結氣風頭痛及蠱毒吐血婦人產後餘痛燒之殺

鬼魅辟虎狼○羊髓味甘溫無毒主男女傷中陰氣

不足利血脈益經氣以酒服之○青羊膽主青盲明

目○羊肺補肺主欬嗽○羊心主憂悲膈氣○羊腎

補腎氣益精髓○羊齒主小兒羊癩寒熱三月三日

取○羊肉味甘大熱無毒主緩中乳餘疾及頭腦

大風汗出虛勞寒冷補中益氣安心止驚○羊骨熬

主虛勞寒中羸瘦○羊屎燔之主小兒洩痢腸鳴驚

痢

以上黑字  
名醫所錄

地

圖經曰殺羊即青羝羊也亦謂之殺  
羝羊出河西川谷今河東陝西及近

都州郡皆有之羊之種類亦多然有灰褐及黑白色者毛長尺餘北人引大羊多以此爲羣首齒骨及五臟各有主疾之功其角入藥唯以青羝羊爲佳餘不堪用取時勿令中濕濕則有毒也

時

生無

採

無

陰乾勿

用

角

髓

膽

肺

心

色

青

味

鹹

時

令中濕

腎

齒

肉

骨

尿

白

味

苦

性

溫一云  
微寒

氣

氣薄味厚  
陰中之陽

臭

羶

主

明目  
止驚

助

菟絲子  
爲之使

製

凡

燒灰存性用

治

療

唐本注云屎煑湯灌下治大人小  
兒腹中諸疾疳濕大小便不通燒

或鎊屑用之

之熏鼻治中惡心腹刺痛及熏諸瘡中毒痔瘻○肝

治肝臟風虛熱目赤關無所見子肝生食七枚神效

治肝臟風虛熱目赤關無所見子肝生食七枚神效

○頭療風眩瘦疾及小兒驚癇。血主女人中風血虛悶及產後血暈悶欲絕者生飲一升卽活。藥性論云青羊肝明目。膽點眼中治赤障白膜風淚。日華子云牯羊角退熱及治山瘴溪毒燒之祛蛇。肉治腦風及大風。頭治骨蒸腦熱頭眩明目小兒驚癇。脂治遊風并黑黥。牯羊糞燒灰治聾耳并罽刺。孟詵云肉治風眩瘦病小兒驚癇。角燒灰治鬼氣下血。別錄云角燒灰治鬼氣及漏下惡血。頭肉主緩中汗出虛勞安心止驚及治熱風眩疫疾丈夫五勞骨熱。肝治目赤暗痛及熱病後失明者以青羊肝或子肝薄切水浸貼之極效生子肝吞之尤妙。肚盛水令滿繫兩頭熟煮開取水頓服之療尿淋卽瘥。眼睛暴乾爲末傅目赤及翳甚效。糞燒灰淋取汁洗之治髮不生三日一洗不過十度卽生。肉不經水取鮮者貼被打頭青腫處瘥。新羊血乘熱飲二升治卒驚悸九竅血出立止。肉如作脯法炙

令香及熱搗白禿瘡不過三四日瘥。膽治熱病後失明旦暮各一傅之效。肥羊肉肥脂及諸般肥肉食之裏出誤吞釘并箭金鍼錢等物。新羊血一盞飲之三兩服治產後餘血攻心或下血不止心悶面青身冷氣補日華子云腎補虛耳聾陰弱壯陽益胃欲絕者妙止小便虛損盜汗。肉開胃肥健陳藏器云羊五臟補人五臟孟詵云肚主補胃小便數別錄云角安心益氣。頭肉補胃虛損及丈夫五勞骨熱。肚補胃病虛倉殺羊角燒灰合酒調服治產後損小便數止虛汗倉惡血煩悶及治小兒驚癇。青羊膽合醋服之治疔濕時行熱燦瘡良。肺合小豆葉煮食之療渴止小便數。腎合脂爲羹療勞痢甚效。腎合蒜薑食之消癥瘕。屎燒灰合鴈肪塗頭生髮。毛合醋煮之裹脚治轉筋。屎內鯽魚腹中瓦缶固濟燒灰以塗髭髮令易生而黑甚效。羊胃一枚白朮一升並切以水二斗煮取九升一服一升

日三服治久病瘦羸不生肌肉水氣在脇下不能飲食四肢煩熱者甚佳。肉一斤合當歸四兩生薑五兩以水一斗二升煮熟取七升去肉內諸藥煮取三升一服七合日三夜一補虛勞不足產後腹中激痛。○殺羊肝一斤去脂膜切薄片以新瓦盆一箇揩淨鋪肝於盆中置於炭火上煨令脂汁盡候極乾取決明子半斤蓼子一合炒令香爲末和肝杵爲末以白蜜漿下方寸七食後服之日三服治目失明極效。○熟羊頭眼睛中白珠子二枚於細石上和棗汁研之取如小麻子大安眼睛上仰臥日夜各二治常患眼痛澀不能視物及看日光燈火不得者不過三四度卽瘥。○糞和鴈膏傅毛髮落者三宿卽生。○殺羊角屑微炒搗羅爲末不計時候合溫酒調下一錢七治心煩恍惚腹中痛或時悶絕而復甦甚效。○乾羊屎燒灰合豬脂搗爛治木刺入肉不得出塗之立出。○殺羊角燒爲灰研令極細以雞子清和塗治面目身

癢得赤斑或癢或癩子腫起不卽治之日甚害人。○  
殺羊膽一枚合酒二升煮三沸療面多疔黯如雀卵  
色日三塗效。○青羊肝合醋煮食之治目暗黃昏不  
見物。○羊腎一雙炮去脂細切於豉汁中合五味米  
糲如常法作羹食之治勞損精竭。○白羊頭一枚煮  
熟切於豉汁中合五味調和食之治脾胃氣冷食入  
口卽吐出。○殺羊角燒爲末合酒服方寸匕療產  
後寒熱心悶極脹。○肉合生薑作湯治寒疝極效。**禁**  
白羊黑頭者食之令人患腸癰。○獨角羊不可食。○  
六月食羊傷神。○心有孔者殺人。○熱病後食之令  
人發熱困重致死妊娠及**解** 蠱 肝不可與豬肉及  
宿有冷病人亦勿多食 **忌** 梅子小豆同食之  
傷人心大病人。○頭中髓發風  
與酒服則迷人心令人中風

## 羊乳

羊乳補寒冷虛乏

名醫所錄

地

陶隱居云羊乳實為補潤故北人多食皆肥健唐本

注云北人肥健不噉鹹腥方土使然何關飲乳陶以未達故屢有此言也

時

生無採無時時

收

磁器

色

白

味

甘

性

溫

氣

氣厚於味陽中之陰

治

療藥性論云潤心肺止消渴

日華子云利大腸含療口瘡小兒驚癇孟詵云治卒心痛溫服之

別錄云

治蚰蜒入耳以乳灌耳中即化成水。止小兒嘔以乳一升煎減半分五服牛乳亦得。治小兒舌腫乳汁飲之瘥。止乾嘔以乳一盃

空心飲之。療漆瘡以乳傅之。治蜘蛛咬遍身生

絲以乳一件飲之及蜘蛛咬致人腹大如孕飲不過

數日

補

陶隱居云潤肌膚體肥健

別錄云

補虛勞益精氣

陳藏器

倉

乳合脂作羹食

補腎虛及治男子

與女子中風瘥

牡狗陰莖

無毒附膽心齒  
骨蹄血肉腦

胎生

牡狗陰莖

出神農  
本經

主傷中陰痿不起令強熱大生子

除女子帶下十二疾

以上朱字  
神農本經

膽苦平主明目痂瘍

惡瘡○心主憂恚氣除邪○腦主頭風痺下部蠶瘡

鼻中瘻肉○齒性平主顛癩寒熱卒風痺伏日取之

○頭骨性平主金瘡止血○四脚蹄性平煮飲之下

乳汁○白狗血味鹹性溫無毒主顛疾發作○肉味

鹹酸溫主安五臟補絕傷輕身益氣○屎中骨主寒



熱小兒驚癇

以上黑字名醫所錄

名狗地

陶隱居云舊不載所出州土今處處有之

其種脚上別有一懸蹄人呼為犬者是也白狗烏狗皆入藥用惟正黃色者溫補餘色者微補為不及也

時採

六月上市

收

陰乾百日

用

陰莖肉齒

頭骨

膽

心

腦屎

骨中味鹹

性平

氣

味厚於氣陰中之陽

臭腥

主強

治療

陶隱居云白狗骨燒

末療諸瘡癩及妒乳癰腫唐本注云骨燒灰主下痢生肌傅馬瘡。烏狗血主難產橫生血上搶心。下頷骨治小兒諸癇。陰卵燒灰主婦人十二疾。毛主產難。白狗糞治疔瘡藥性論云膽治鼻鼈及鼻中瘕肉日華子云陰莖治婦人陰癭。膽主撲損瘀血及刀箭瘡。心療狂犬咬除邪氣風癩及鼻衄下部瘡。齒燒為末湯調服治小兒客忤孟詵云膽去腸中膿水別錄云膽汁注目中治眼癢急赤澀。頭

骨燒煙熏治附骨疽及魚眼瘡。黃狗皮炙裹腰痛處取暖徹爲度。白犬骨燒研爲末以水服方寸七。治產後煩悶不能食。骨炙黃焦搗爲末飲服方寸七日。三服治久下痢不止者名休息痢。獾犬咬人卽殺所咬犬取腦傅之後不復發。白犬頭取熱血一升飲之治鬼擊之病卒著如刀刺狀胸脇腹內絞痛不可抑按或卽吐血衄血下血立效。骨煑湯摩頭上療小兒桃李靨。活狗膽治左膝瘡癢華佗視之以膽塗瘡口須臾有蟲若蛇。補陶隱居云黃狗肉從瘡口出長二三尺病卽愈。大補虛日華子云

陰莖續絕陽。頭骨燒灰壯陽氣。血安五臟。肉益胃氣暖腰膝壯陽氣補虛勞益氣力。陳藏器云肉益腰腎起陽道。骨煎汁爲粥食之令婦人有子。別錄云陰莖益髓。肉溫五臟補五勞七傷填骨髓大補氣力空。倉頭骨燒灰爲末合乾薑荑苕焦炒見煙腹食之佳。倉爲丸治久痢及勞痢以白飲空心下十

丸極效。尿合臘月豬脂傅瘰瘡及傅溪毒疔腫。肝合生薑醋作湯治腳氣攻心服之當洩其邪若大便不實者勿服之。膽合酒服之明目。膽半箇合酒治中傷因損調服之瘀血盡下。頭骨燒灰爲末每日空心合酒調服一錢七治婦人赤白帶下。狗牙燒灰合酢調傅馬鞍瘡。毛細剪以膠烱塗湯火燒瘡痛不可忍。肉半斤合米鹽豉等煮粥頻食一兩頓治脾胃虛弱腸中積冷腹脹刺痛神驗。肉一斤細切和米煮食之治水。鼓脹浮腫作羹臙喫亦佳。狗肉不可炙食恐成消渴疾狗瘦者多是病不堪食諸犬春月目赤鼻燥欲狂獬者不宜食妊娠不可食犬肉令兒無聲自死舌不出者食之害人九月勿食犬肉。能損神。肉白鵝肝白羊肉烏雞肉補子羹等病。人皆不。可食。

**忌**

不與蒜同食食之損人白狗血合白雞

羚羊角

無毒

胎生

羚羊角

出神農本草經

主明目益氣起陰去惡血注下辟蠱

毒惡鬼不祥安心氣常不魘寐久服強筋骨輕身

以上

朱字神農本經

療傷寒時氣寒熱熱在肌膚溫風注毒伏在

骨間除邪氣驚夢狂越僻謬及食噎不通起陰益氣

利丈夫

以上黑字名醫所錄

**地**

圖經曰出石城山谷及華陰山今秦隴龍蜀金商諸州山中皆

有之其形似羊色青而大角細長四五寸至堅勁多節緊深銳文細而有掛痕者真其痕因羚羊夜宿不著地以角掛木故也或云其角有文疎大長一二尺似吳羊角置耳邊聽之集集鳴者皆非也今取他角

附耳亦皆有聲不如掛痕一說盡矣此亦多偽  
不可不察有獾齒偽佛牙誑俗以此擊之則碎時生

無採無收用紙包裹用角色白味鹹性微氣氣薄味厚陰中

之臭羶主清肝明目製雷公云凡修事之時勿令單  
陽除熱鎮驚用不復有驗須要不折元對

以繩縛之將鐵鏹旋旋鏹取用勿令犯風鏹未盡處  
須三重紙裹恐力散也鏹了搗細重篩更研萬匝了

入藥用之更妙治唐本注云角治溪毒及驚悸煩  
免刮人腸也治悶臥不安心胸間惡氣毒瘰癧

○肉治蛇咬惡瘡藥性論云角燒灰治小兒驚癇及  
山瘴能散惡血并噎塞不通孟詵云角治中風筋攣

附骨疼痛生摩水塗腫上及惡瘡別錄云角治傷寒  
熱毒下血及疝氣未服之即瘥產後心悶不識人汗

出燒末以東流水服方寸匕未瘥再服又血氣逆心  
煩滿胸脇痛及腹痛煩滿燒末水服方寸匕○角中

骨治小兒洞下痢角燒末合酒服治一切熱毒風

燒末飲服方寸七攻注中惡毒風卒死昏亂不識

人散產後血衝心煩悶角屑作末合蜜服治卒熱

悶及熱毒痢并血痢角一枚刮尖爲末合酒服方

寸七令易產肉合五味  
子酒中治中風筋骨急強山驢角獬

犀角無毒  
胎生

犀角出神農本經  
主百毒蠱疰邪鬼瘴氣除邪不迷惑魘

寐久服輕身駿健以上朱字神農本經  
療傷寒瘟疫頭痛寒熱

諸毒氣以上黑字名醫所錄  
名通天犀鳥犀南犀川犀

胡帽犀 兕犀 黔犀 奴  
駭雞犀 食角 墮羅犀 地圖經曰出永昌山

角 谷及益州南海者

為上黔蜀者次之其形似牛豬首大腹卑脚脚有三蹄色黑好食棘其皮每孔三毛頂生一角或云有二角三角者生鼻上為食角為奴角為胡帽犀在額為兕犀也牯犀亦有二角皆為毛犀今人多傳一角之說此數種俱有粟文且犀無水陸二種並以精麤為貴賤川犀南犀文理皆細烏犀有顯文黃犀文絕少皆不及西番所出文高兩脚顯也物像黃而外黑者為正透物像黑而外黃者為倒透通天犀生腦上千歲者長且銳白星徹端黃黑分明有兩脚滑潤端能出氣通神故曰通天人刻為魚銜入水中開水三尺故曰分水犀以此盛米雞不敢啄故曰駭雞犀其文理絕好者有百物奇異之形所以犀飲濁水不欲形影照見故也鹿取茸犀取時生無採無用色黑味尖其精銳之力在於此耳時時

苦酸  
**性** 寒  
**氣** 氣薄味厚  
**臭** 朽  
**主** 鎮心神  
**助** 松脂為  
**反**

惡荏菌

**製**

雷公云凡修治之時鎊其屑入臼中搗令

雷允

細再入鉢中研萬匝方入藥中用之歸田

錄云近人氣

**治**

療唐本注云犀肉治諸蠱蛇獸咬毒

久則易碎

**治**

藥性論云犀角辟邪精鬼魅中惡

毒氣散風毒及治發背癰疽瘡腫化膿水并時疾熱

如火煩悶毒入心中狂言妄語日華子云犀角治心

煩止驚退熱消痰鎮肝明目解山瘴溪毒并中風失

音熱毒及時氣發狂海藥云犀角治風毒攻心毘毘

熱悶壅毒赤痢小兒麩豆風熱驚癇食療云角治赤

痢燒灰爲末和水服之又卒中惡心痛及熱毒筋骨

中風心風煩悶治小兒驚熱以水磨汁服之肉治

瘴氣百毒蠱症邪鬼除客熱頭痛及五痔及諸血痢

別錄云雉肉作臠食之吐下用生犀角末新汲水調

服方寸匕卽瘥又蠹螻屎瘡磨塗之又小兒驚癇不

知人迷悶嚙舌仰目以犀補日華子云犀角**禁**犀角

安五臟補虛勞

妊娠



勿服能消胎氣肉不宜多食若食過多令人煩即取麝香少許和水服之即散解角解諸飲藥毒若服藥過劑及中毒煩悶欲死者以犀角燒末水服方寸七即瘥又殺鈎吻鴆羽蛇毒忌鹽

### 虎骨

無毒附膏爪肉

### 胎生

虎骨主除邪惡氣殺鬼疰毒止驚悸主惡瘡鼠癭頭

骨尤良○膏主狗嚙瘡○爪辟惡魅○肉味酸平無

毒主惡心欲嘔益氣力

名醫所錄

### 地

圖經曰本經不載所出州土今山林處多

有之骨用頭及脰色黃者佳睛亦多偽須自獲者乃真爪并指骨毛存之以繫小兒臂辟惡鬼此數物皆用雄虎者為勝鹿虎之類凡是藥箭射死者不可入藥蓋藥毒浸漬骨肉間猶能傷人也陳藏器云虎威

○兔皮燒令煙絕爲末合酒服方寸七治婦人帶下以瘥爲度○月望夕取兔屎內蝦蟇腹中合燒爲灰作末傅大人小兒卒得月蝕瘡○兔腹下白毛燒膠塗於毛上貼火瘡已破者待毛落卽瘥○臘月兔頭腦髓一箇攤於紙上令勺候乾剪作符子於面上書生字一箇覺母陣痛時用母釵子股上夾定燈焰上燒灰蓋盛之煎丁香酒調下能易產滑胎○翫月砂不限多少漫火熬令黃色爲末每二錢入乳香半錢空心溫酒調下治痔漏下

**禁** 兔肉妊娠不可食食之血疼痛不止日三四服瘥

**忌** 不可與白雞氣及陽事絕人血脈凡兔死眼合者

**忌** 肉同食令人食之殺人二月亦不宜食兔能傷神

面色痿黃與獺肉食之令人病遁尸與薑橘同食令人卒患心痛不可治與乾薑同食成霍亂

**解** 兔肉生喫壓

丹石毒

筆頭灰

無毒

筆頭灰主小便不通小便數難陰腫中惡脫肛淋瀝

燒灰水服之

名醫所錄

**用**

免毫年久使乏者良

**性**

微寒

**氣**

氣之薄者陽中之陰

**主**

利小便

**治**

療別錄云

治喉中腫痛不得飲食燒灰漿飲下方寸七

**倉**

燒灰合酒服治男子交婚

之夕莖痿。敗筆頭一枚燒灰細研爲末合生藕汁一盞調下能催生及難產若產母虛弱及素有冷疾者恐藕性冷動氣卽於銀器內重湯煖過服之妙

狸骨

無毒附陰莖貓

狸骨主風症尸症鬼症毒氣在皮中淫躍如鍼刺者

心腹痛走無常處及鼠癩惡瘡頭骨尤良○肉療諸

疰○陰莖主月水不通男子陰癩燒之以東流水服

之

名醫所錄

**地**

圖經曰本經不載所出州土今處處有之其形似貓種類甚多以虎斑文者堪用

斑者不佳皆當用頭骨南方一種香狸人以作膾食若北地狐食法其氣甚香微有麝氣邕州以南一種風狸似兔而短多棲息於高木候風吹而過他木其溺如乳甚難取人久養之始可得也衍義曰其形類

貓紋色有二如連錢如虎斑紋者皆可入藥其肉味如狐不相遠江西一種牛尾狸其尾如牛人多糟食未闢入藥生無採無

宜當辨也**時**時時**用**莖骨肉**質**陰類**色**有虎斑

黃

**味**

甘

**性**

溫

**氣**

氣厚味薄

陽中之陰

**臭**

臊

**主**

尸疰

惡瘡

**治**

療

圖經曰

肉及骨

治痔疾疼痛可作羹臠食之不可與酒同食陶隱居云肉治鼠瘻唐本注云屎燒灰止寒熱鬼瘧發無時度。風狸溺除諸風藥性論云頭骨炒末治噎病不進飲食日華子云肉及頭骨祛遊風別錄云狸頭治鼠瘻鼠齧瘡。猫治鼠瘻腫核痛已有瘡口膿血出者取一物作羹如食法空心服之瘥。猫屎塗蝎螫人痛處。狸頭燒作灰合酒二錢七治痔病及一切不止。風并尸疰腹痛邪氣。骨炙合麝香雄黃爲丸服治痔及瘻瘡。狸頭蹄骨并塗酥炙令黃搗羅爲散每日空心合粥飲調下一錢七治瘰癧腫硬疼痛時。正月勿食肉。食野鳥肉中毒久不瘥。食之傷神。燒骨灰服之。

麝骨

無毒附肉髓

胎生

麝骨主虛損洩精。肉温補益五臟。髓益氣力悅

澤人面

名醫所錄

**地**

圖經曰本經不載所出州土今陂澤淺草中多有之亦呼爲麋麋之類甚

多麋其總名也有有牙者有無牙者用之皆同然其牙不能噬齧崔豹古今注云麋有牙而不能噬鹿有角而不能觸是也其肉自八月以後至十一月以前食之勝於羊肉十二月至七月不宜食道家以麋鹿肉羞爲白脯食之言其無禁忌者蓋野獸之中惟麋鹿生則不羶腥又非辰屬八卦而兼能溫補於人故也

**時**

生無採無

**用**

骨髓

肉色

黑黃

味甘

性微

氣厚

味薄陽中

**治**

療別錄云肉作臠治乳無

補日華子云骨補虛

損益精髓悅顏色

○臠中香治一切虛損

**倉**

麋鹿二肉剖如厚脯炙令熱搗淹瘡病可三四易攪痛出膿便愈不除更

炙新肉

**禁**

十二月至七月食之動氣

**忌**

肉不可合鵝肉同食成癥

痼

豹肉

無毒  
附豹

胎生

豹肉主安五臟補絕傷輕身益氣久服利人

名醫  
所錄

地

圖經曰本經不載所出州土今河洛唐郢間或有之  
豹有數種有赤豹詩云赤豹黃羆陸機疏云尾赤而  
文黑謂之赤豹有玄豹山海經云幽都之山有玄虎  
豹豹有白豹爾雅云獾音與白豹也郭璞注云似熊  
小頭卑脚黑白相駁能舐食銅鐵及竹骨節強直中  
實少髓皮辟濕人寢其皮可以驅溫癘或曰豹白色  
者別名獾古方鮮有用者今黔蜀中時有豹象鼻犀  
目牛尾虎足土人鼎釜多爲所食頗爲山居之患亦  
捕以爲藥其齒骨極堅以刀斧椎鍛鐵皆碎落火亦  
不能燒人得之詐爲佛牙佛骨以誑俚俗唯羚羊角

擊之則碎衍義曰毛赤黃其文黑如泉而中空比比  
相次此獸敏捷過虎故能安五臟續絕傷輕身又有  
土豹毛更無紋色亦不赤  
其形亦小此各自有種也  
**時**生無採無  
用肉頭  
味  
**酸**平  
**氣**陰中之陽  
**臭**腥  
**主**強志  
**治**療圖經曰頭骨  
燒灰淋汁沐  
頭去風屑脂可合生髮藥朝塗**補**日華子云肉壯  
而暮生唐本注云豹除鬼魅邪神筋骨強志氣令  
人**猛健**孟詵云肉久食令人**倉**豹鼻合狐鼻煮  
耐寒暑**食療**云肉食之益人**倉**食之治狐魅**禁**月  
食之傷神多  
食令人性麤

### 獅子屎

無毒

### 胎生

獅子屎燒之去鬼氣服之破宿血殺蟲

名醫所錄  
謹按物理論



云獅子名狻猊爲獸之長也其形似虎正黃色有鬣  
微紫銅頭鐵額鉤爪鋸齒攝目跪足目光如電聲吼  
如雷尾端茸毛黑色大如升捻之中有鉤鬣下能食  
虎豹其牝者形色不異但無鬣耳所產之地多畜之  
因以名國蓋賢君德及幽遠而出者也然其品類不  
畜七十餘種今撒麻罕所貢馴養天柙者色狀正符  
物理所云**名**狻猊採無時**收**陰乾**用**屎赤黑**色****臭**臭**治**療毛治鬼瘡囊盛

四種陳藏器餘

犢子臍屎主卒九竅中出血燒末服之方寸七新生

未食草者預取之黃犢爲上○姚氏方

人有九竅四肢指岐間血

出乃暴驚所爲取新生犢子未食草者臍屎日乾燒末水服方寸七日四五頓瘥又云口鼻出血亦良

○靈貓陰味辛溫無毒主中惡鬼氣飛尸蠱毒心腹卒痛狂邪鬼神如麝用之功似麝生南海山谷如狸自爲牝牡亦云蛉狸異物志云靈狸一體自爲陰陽刳其水道遭囊以酒灑陰乾其氣如麝若雜真香罕有別者用之亦如麝焉○震肉無毒主小兒夜驚大人因驚失心亦作脯與食之此畜爲天雷所霹靂者是○鷩鷩

獸名也亦作鷩扶佛切

無毒飲其血令人見鬼也亦

堪染緋髮可爲頭髮出西南夷如猴宋孝建中獠子  
以西波尸地高城郡安西縣主簿韋文禮進雌雄二  
頭宋帝曰吾聞鸞鸞能負千鈞若旣力如此何能致  
之彼土人丁鑿進曰鸞鸞見人喜笑則上脣掩其目  
人以釘釘著額任其奔馳候死而取之髮極長可爲  
頭髮血堪染鞞其毛一似獼猴人面紅赤色作人言  
馬聲或作鳥聲善知生死飲其血使人見鬼帝聞而欣然  
命工圖之亦比山海經爾雅云狒狒如人被髮迅走

食人亦曰臯羊彼俗亦謂之山都郭景純有讚

文繁  
不載

脯帶脂者薄割火上炙熱於人肉傅癩上蟲當入脯  
中候其少頃揭却須臾更三五度瘥

本草品彙精要卷之二十四

本草品彙精要卷之二十五

獸部下品

三種神農本經

朱字

四種名醫別錄

黑字

四種唐本先附

注云唐附

三種宋本先附

注云宋附

一種唐慎微附

一種今分條

二種今補

五種陳藏器餘

已上總二十三種

豚卵

蹄足心腎膽齒膏肉等附

狐陰莖

五臟腸屎等附

獺肝

肉膽等附

貓膏

唐附肉胞獾貉附

鼯鼠

音偃

鼯鼠

音羸

野豬黃

唐附

豺皮

唐附

狼

原附豺下今分條

膾肭臍

宋附膾肭獸附

麂

宋附頭骨附

野駝脂

宋附

獼猴

唐慎微附肉頭骨手屎皮附

敗鼓皮

六畜毛蹄甲

驢屎

唐附尿乳軸垢  
肉脂頭皮毛附

塔刺不花

補今

毫豬

補今

五種陳藏器餘

諸血

果然肉

狨獸

狼筋

諸肉有毒





本草品彙精要卷之二十五

獸部下品

毛蟲

豚卵

無毒附蹄心腎  
膽齒膏肉等

胎生

豚卵

出神農  
本經

主驚癩癩疾鬼疰蠱毒除寒熱賁豚五

癰邪氣攣縮○懸蹄平微寒主五痔伏熱在腸腸癰

內蝕

以上朱字  
神農本經

豬四足小寒主傷撻諸敗瘡下乳汁

○心主驚邪憂恚○腎冷和理腎氣通利膀胱○膽

微寒主傷寒熱渴○肚微溫主補中益氣止渴利○  
齒平主小兒驚癇五月五日取○鬻膏微寒生髮○

肪膏主煎諸膏藥○豶豬肉味酸冷療狂病○凡豬  
肉味苦主閉血脈弱筋骨虛人肌不可久食病人金  
瘡者尤甚○豬屎寒主寒熱黃疸濕痺○豬膚味甘

寒其氣先入腎能解少陰客熱

以上黑字  
名醫所錄

**名** 豚 **地** 圖  
經

曰豬乃水畜爲用最多其細骨少筋多膏之物也本  
經不載所出州土今在處有之按揚雄方言云豬燕  
朝鮮之間謂之豶古豶切關東西謂之豶或謂之豶  
南楚謂之豶音豶其子謂豶音豶始吳揚之間謂之豶

子其實一種今云豚卵當是豬子也爾雅云彘五尺

切章移

爲豨郭璞云大豕爲豨今漁陽呼其大者爲豨

是也**收**陰乾藏之

勿令敗

**味**甘

**性**溫

**氣**者陽也

**臭**腥

**治**療

曰肝

除冷洩久滑赤白。腎消積滯。骨髓治撲損及惡

瘡。四蹄行婦人乳脈滑肌膚去寒熱。肪膏傅諸

惡瘡利血脈解風熱潤肺。腸臟除大小腸風熱宜

食之。脛治肺氣乾脹喘急潤五臟去皴皸黧黯。

膽治骨熱勞極及小兒五疳殺蟲陶隱居云脂潤皮

膚去皴裂。屎汁治溫毒熱唐本注云豬耳中垢治

蛇傷。豬腦治風眩腦鳴及凍瘡。血治賁豚暴氣

中風頭眩淋瀝。乳汁止小兒驚癇天弔大人豬雞

癇病。乳頭治小兒驚癇及鬼毒去來寒熱五癰。

五臟治小兒驚癇發汗。十二月上亥日取肪脂內

新瓦器中埋亥地百日治癰疽。膽治大便不通以

葦筒著膽縛一頭內下部入三寸灌之入腹立通膽

汁傅小兒頭瘡。臘月豬脂殺蟲久留不敗。豬黃治  
金瘡血痢。齒燒灰治蛇咬瘡。日華子云：心止驚癇。  
血癖邪氣。肚止痢。腎治耳聾。肉治水銀風并  
掘土土坑內惡氣。腸止小便。治賁氣及海外瘴  
氣。糞治天行熱病。蠱毒黃疸。取東行牝豬者良。  
窠內草止小兒夜啼。安蓆下勿令母知。孟詵云：肚止  
暴痢虛弱。大豬頭去驚癇。五痔下丹石。腸止虛  
渴。小瓶數別錄云：母豬尾頭血治蛇入口并入七孔  
中。滴口中即出。豬膽治盲。取一枚微火煎之。丸如  
黍米。大內眼中食頃良。又煎湯浴。初生小兒不生瘡  
疥。豬膽白皮治腎如重者。取暴乾合作小繩子。如  
蠶釵股大。燒灰待冷。便以灰點腎上。不過三五度。瘡  
○肉肝炙熱。搗被打頭青腫。臘月豬脂治漏瘡。以  
紙沾取內瘡孔中日五夜三易之。又治鼠癩瘡癩癰。癰  
取調塗之。豬脂治胞衣不出。腹滿則殺人。但多服  
佳。及治五種黃疸。穀疸。酒疸。黑疸。女勞疸。身體四肢

微腫胸滿不得汗汗出如黃漿汁由大汗卒入水所致以一斤令溫熱盡服之日三當下則稍愈。豬肝治女子陰中苦癢搔之痛悶取炙熱內陰中蟲著肝卽出之。臘月豬屎燒灰傅小兒白禿髮不生者。○豬脂治蜈蚣蟻子入耳炙令香掩耳孔自出。豬肪脂治吹乳惡寒壯熱以冷水浸搗之熱卽易之立效肉爛煮取補圖經曰心養血不足及虛劣。肺能汁洗豌豆瘡補肺得火麻仁良。腎補虛壯氣。○肚止骨蒸勞熱血脈不行補羸助氣四季宜食日華子云腎補水臟煖腰膝補膀胱。○肚補虛損殺勞蟲。○腸補下焦生血孟詵云大豬頭倉肚釀黃糯米蒸補虛乏氣力別錄云肝補肝氣倉搗爲丸治勞氣并小兒疳蛔黃瘦病。○肝切作生合薑醋空心服之治腳氣當微洩若先痢卽勿服。○豬膽合生薑汁釀醋半合治濕蟹病下膿血不止乾嘔羸瘦多睡面黃者灌穀道手中急捻令醋氣至咽喉乃放手當下五

色惡物及蟲子又合生薑橘皮訶梨勒桃皮煮服治瘦病欬嗽。猪脰合棗肉浸酒服之治肺痿欬嗽及疰癖羸瘦。子肝一葉薄批之搵著煨熟訶子末中微火炙之又搵灸盡半兩末空腹細嚼陳米飲送下治乳婦赤白下及冷勞腹臟虛者。脾合陳皮紅生薑人參葱白切拍之以陳米水煮如羹去橘皮空腹食之治脾胃虛熱。猪蹄四枚以水二斗煮取一半去蹄合土瓜根通草漏蘆各三兩以汁煮取六升去滓內葱白豉如常著少米煮作稀葱豉粥食之治婦人無乳汁食後或身體微微熱少有汗出乳未下更三兩劑大有驗。猪脰酒以猪脰一具細切合青蒿葉相和以無灰酒一大升微火搵之乘熱內猪脰蒿葉中共煖使消盡又取桂心一小兩別搗爲末內酒中每日平旦空腹取一小盞服之午時夜間各再一服治冷痢久不瘥此是脾氣不足暴冷入脾舌上生瘡飲食無味縱喫下還吐小腹雷鳴時時心悶乾皮

細起膝脛酸疼兩耳絕聲四肢沉重漸瘦劣重成鬼  
氣及婦人血氣不通逆飯憂煩常行無力四肢不舉  
丈夫疝癖兩肋虛脹變爲水氣服之皆效忌熱麪油  
膩等食。豬舌合五味煮取汁飲能健脾補不足之  
氣令人能食。豬膚一斤水一斗煮取五升去滓加  
白蜜一升粉五合熬香和勻相得溫分六服治少陰  
病下痢咽痛胸滿心煩。豬膏合羊屎塗熱毒病攻  
手足腫疼痛。豬腦髓著熱酒中洗手足皴裂血出  
疼痛若冬月冒涉凍凌面目手足瘰癧及熱疼痛皆  
瘥。生豬肝一具細切合苦酒頓食之勿用鹽治卒  
腫病身面皆洪大。豬膏合芫花塗疥瘡。豬膽大  
如雞子者合熱酒服治大小便不通。積豬腎一枚  
以刀開去筋膜入附子末一錢匕以濕紙裹煨熟空  
心稍熟食之便飲酒一盞多亦妙治男子水臌虛憊  
遺精盜汗夜夢鬼交者效。豬蹄甲四十九箇淨洗  
控乾每箇甲內半夏白礬各一字入罐子內封閉勿



令煙出火煨通赤去火細研入麝香一錢七治咳嗽  
定喘化涎每用一錢七糯米飲下小兒半錢至妙○  
豬腎一對去脂膜切枸杞葉半斤用豉汁一大盞半  
相和煮作羹入鹽椒葱空腹食之治陰痿羸瘦精髓  
虛弱四肢少力○豬腎造稀臙以葱豉米如法食之  
治產後虛勞骨節疼痛汗不出○母猪蹄兩隻合通  
草六分以綿裹和煮作羹食之治癰疽及發背或發  
乳房初起微赤不急治之卽殺人○豬肝一斤薄切  
於瓦上曝令熟乾搗篩爲末煮白粥布絞取汁和衆  
手丸如桐子大空心飲下五十九日五服治脾胃氣  
虛食卽汗出及嘔逆○豬腎一對研著胡椒橘皮鹽  
醬椒末麵作餛飩喫之治脾胃冷嘔逆下痢腰臍切  
痛○豬肚一枚淨洗以水五升煮令爛熟取二升已  
來去肚著少豉治消渴日夜飲水數斗小便數瘦弱  
渴卽飲之○豬肝一具煮作羹任意下飯治水氣脹  
滿浮腫○豬肉細切作餛飩子於豬脂中煎食之治上

氣咳嗽胸膈妨滿氣喘。○豬胰一具削薄竹筒盛於  
塘火中炮令熟食上喫之治一切肺病咳嗽膿血不  
止。○豬肝一具細切先布緘更以醋洗蒜齏食之治  
腫從足始上入腹者如食不盡三兩頓食亦可或洗  
切作齏著葱白豉薑椒熟炙食之亦治浮腫脹滿不  
下食心悶。○豬心一枚切於豉汁中煮五味糝調和  
食之治產後中風血氣驚邪憂悸氣逆。○豬乳汁三  
合以綿纏浸令兒吮之雖多尤佳治小兒驚癇發動  
無時。○肝一具薄切以水淘漉乾卽以五味醬  
醋食之清肝臟壅熱目赤慘痛兼明目補肝氣。**禁**白  
蹄雜青者不可食。○心不可多食能耗心氣。○腎  
雖補腎令人少子冬月不可食損人真氣兼發虛壅  
。肉久食令人虛肥動風氣。**忌**心不與吳茱萸同食  
患瘡人不宜食食之必再發。○肺不與白花菜同  
食令人氣滯發霍亂。○肉不可合牛肉。**解**肪膏解斑  
同煮食之令人生寸白蟲。○膏忌烏梅。**解**猫茺青地

膽亭長等毒肉壓丹石毒解  
殺藥毒燂豬湯解諸毒蟲魔

### 狐陰莖

有毒附五臟腸屎等

胎生

狐陰莖主女子絕產陰癢小兒陰頰卵腫○五臟及腸味苦微寒有毒主蠱毒寒熱小兒驚癇○雄狐屎

### 燒之辟惡

名醫所錄

**地**

圖經曰舊本不著所出州郡陶隱居注云江東無狐皆出北方及益

州今江南亦時有之京洛尤多形似黃狗鼻尖尾大亦似狸而黃善能爲魅北土作膾生食之甚煖雄狐糞陰莖五臟皆入藥用其屎在竹木間石上尖頭堅者是也衍義曰即今皮兼毛爲裘者是也此獸多疑極審聽人智出之以多疑審聽而捕取捕者多用且也

**時**

採無

**用**

陰莖

五臟

肉尾

糞

**質**

類狗而矮小

**味**

甘

**性**

微寒

**氣**

氣之薄者陽中之陰

**臭**

腥

**主**

辟邪惡補虛損

**治**

**療**

圖經曰

肝燒灰治風。雄狐膽治卒暴亡未移時者溫水微研灌入喉即活須臘月收者佳唐

本注云狐肉及腸作臙食之治疥瘡久不瘥者。腸

及頭尾治牛疫燒灰和水灌之日華子云狐肉治惡

瘡疥。肝生服祛狐魅。雄狐尾燒辟惡孟詵云狐

肉治五臟邪氣及蠱毒寒熱宜多服之食療云肉炙

食之治小兒癩卵腫。頭燒辟邪。腸肚作羹臙食

之治大人見鬼別錄云雄狐糞燒之去瘟疫病。狐

屎治一切惡瘻中冷瘕肉用正月收者補日華子云

不限多少乾末食前新汲水下一錢七狐肉補虛

損勞劣煮

炙食之

**倉** 狐肉一片及五臟治如食法合豉汁中煮五味和作羹或作粥炙食之治驚癇神思恍惚語言錯謬歌笑無度及五臟積冷蠱毒寒熱並愈如無豉汁以骨汁或鯽魚汁代之。狐唇杵

和鹽封惡刺。○狐糞二升燒灰合薑黃三兩搗爲末  
空腹酒服方寸七日再服治五種心痛及肝心痛顏  
色蒼蒼如死灰狀而喘息大者  
○狐屎灰合臘月膏和封惡刺

獺肝

有毒附  
肉膽等

胎生

獺肝主鬼疰蠱毒却魚鯁止久嗽燒服之。○肉性寒  
療疫氣温病及牛馬時行病煮屎灌之亦良

名醫  
所錄 **名**

水  
**地**

圖經曰舊不著所出州土今江湖土穴間多有  
之北土人亦馴養以爲翫廣雅謂之水狗然有

兩種有獾音獾或獺形大頸如馬身似蝙蝠淮南  
子云養池魚者不畜獾獺許慎注云獾獺類也入藥  
當以取魚祭天者是也凡諸畜肝皆葉數定惟此肝  
一月一葉十二月十二葉其間又有退葉用之須見

形乃可驗不爾多僞也。衍義曰：四足俱短，頭與身尾皆褊，毛色若故紫白，大者身與尾長三尺餘，食魚居水中，出水亦不死，亦能休於大木上，世謂之木獺。嘗糜置大水甕中，於其間旋轉如風水爲之成旋，攏起四面高，中心凹下，觀者駭目。皮西戎將以飾毳服，領袖問之云：垢不著如風，靈醫目卽就袖口拭目，中卽出。又毛端果不著塵，亦一異也。或云：獺膽分杯嘗試之，不驗，惟塗於蓋唇，但使酒稍高於蓋面，分杯之事亦古今傳，誤言也不可。

**時**

**生**

**無**

**採**

**無**

**用**

**肝**

**肉**

**膽**

**尿**

**時**

**時**

**時**

皮色

紫

味甘

性微

氣

氣厚

味薄

臭

腥

主

虛勞

製

細研

或燒

灰用

療

圖經曰：肉治婦人骨蒸熱勞，血脈不行，榮

衛虛滿，及女子經絡不通，血熱大小腸祕

之

之

瀝。

肝治傳尸勞，極四肢寒瘡，虛汗客熱，及產勞冷

勞并鬼疰一門相染者，取肝一具，火炙水服，方寸七

之

之

之

之

之

之

之

之

之

之

之

之

之

之

之

之

之

之

勞并鬼疰一門相染者，取肝一具，火炙水服，方寸七

本

又治九十種蠱症傳尸骨蒸伏連殭殍諸鬼毒癘疫等俱妙。足治魚骨鯁項下爬之卽下亦煮汁飲之。○皮毛治水瘡病者作禡及履屨著之并煮汁服。○尿治魚臍瘡。膽治眼昏黑花飛蠅上下視物不明。唐本注云四足治手足輝裂。○尿治驢馬蟲額細研灌鼻中。藥性論云肝治上氣咳嗽勞損疾尸疰瘦病。○骨治嘔噦不止。日華子云肉治水氣脹滿熱毒風。孟詵云肝下水脹但熱毒風虛脹服之卽瘥若是冷氣虛脹勿食食之虛腫益甚也。只治熱不治冷不可一槩用之。別錄云肝治鬼魅爲末水服日三服瘥及腸痔大便常有血燒服一補。日華子云肝補虛錢七。○獺皮合母帶易產。勞并傳尸勞疾。倉。燒爲灰合酒服治咳嗽。水獺一箇用罐子內鹽泥固濟放乾燒灰爲末以黃米煮粥傳折傷處攤水獺末一錢粥上糝便用。禁。男子不可多食其。忌。肉不可與帛裏繫立止疼痛。肉食之能消陽氣。兔肉同食。

貓膏

無毒附肉胞獾貉

胎生

貓音膏主上氣乏氣欬逆酒和三合服之日二又主

馬肺病蟲頰等病○肉主久水脹不瘥垂死者作羹

臠食之下水大效○胞乾之湯摩如雞卵許空腹服

吐諸蠱毒

名醫所錄

地

本經不載所出州土今山林間或

頭連脊毛一道黑嘴尖尾短濶野收穉器盛之用膏味甘

性

平

氣

氣厚於味

臭

腥

治

陳藏器云獾脂殺馬漏脊蟲瘡○獾肉主小兒

疔瘻噉之補衍義曰獾肉益瘦人長脂肉○倉脂銷殺虬蟲貉肉主元藏虛劣及女子虛憊於酒



中服治傳尸鬼氣症忤。肉煮經宿露中空心和醬食治服丹石勞熱患赤白痢多時不瘥者。骨炙末合酒服三合治上氣咳嗽。肉半斤切和粳米三合水二升合葱椒薑豉作粥食之治十種水不瘥垂死者。貓脂膏煎一合和解肉服丹石人食之良

鼯鼠

無毒

胎生

鼯

音偃

鼠主癰疽諸瘻蝕惡瘡陰蠶爛瘡

名醫所錄

**名**

鼠粉狀

隱

**地**

圖經曰舊不著所出州土云在土中行者今處處田壠間皆有之爾雅鼠屬鼯鼠是其一郭璞

云地中行者化爲鴛鴦皆爲此也其形類鼠而肥多膏色黑口鼻尖大常穿地行旱歲則爲田害亦有一種鼯鼠似牛而鼠首足黑色大者千斤多伏於水又能堰水放沫出滄州及湖中彼人取其肉食之皮

可作鞞轡用是二物同名也陶隱居云其形如鼠大而無尾黑色長鼻甚強常穿耕地中行討掘即得今諸山林中有獸大如水牛形似豬灰赤色下脚似象胸前尾上皆白有力而鈍亦名鼯鼠人常取食之肉似牛肉多以作脯其膏亦能主瘻乃云此是鼠王其精一滴落地輒成一鼠穀有鼠災年則多出恐非虛耳衍義曰鼯鼠鼯鼠也其毛色如鼠今京畿田中甚多脚絕短但能行尾長寸許目極小項尤短兼易掘取或安竹弓射之取以飼鷹陶不合更引今諸山林中大如水牛形似豬灰赤色者設使是鼠則孰能見其溺精成鼠也陶如此輕信但真淳之士不以無稽之言爲妄今經云在土中行則鼯鼠無疑矣

**時**

生無採

五月

取

收

暴

用

肉

色

灰

味

鹹

性

輕

氣

氣薄味厚

陰中之陽

**臭**

腥

**主**

瘡

**治**

療

圖經曰

肉治風熱久積血脈不行結

成瘡疽食之可消去小兒食之殺虻

蟲陶隱居云肉久食治瘡

疥痔癩。膏摩諸惡瘡

### 鼯鼠

### 胎生

鼯

音贏

鼠主墮胎令產易

神農本草經

**名**

飛生

**地**

圖經曰

鼯鼠即

都平谷今湖嶺間山中多有之狀如蝙蝠大如鴟鵂  
 毛紫色闇夜行飛生南人見之多以為怪捕取其皮  
 毛與產婦臨蓐持之令兒易生衍義曰鼯鼠經中不  
 言性味惟難產藥中用之其毛赤黑色長尾人捕得  
 取皮為煖帽但向下飛則可不能致遠今  
 關西山中甚有毛極密人謂之飛生也

**色** 紫 **性** 微温 **氣** 氣之厚者陽也 **治** 療圖經曰 婦人將產燒末飲服之

**倉** 取一枚合槐子

故弩箭羽各十四枚搗丸如桐子大以酒服二丸令孕婦易產

野豬黃 無毒

胎生

野豬黃主金瘡止血生肉療癩癩水研如棗核日二

服效

名醫所錄

地

衍義曰京西界野豬甚多形如家豬但腹小腳長毛色蒼褐作羣行獵人惟敢

射取最後者若射中前走者則羣豬奔散傷人其肉如馬肉而赤由冬月在林中食橡子故也味甘美復

軟尤勝家豬黃在膽中蓋不常有間得之方亦少用

時

生無採無

時

時

時

收

窰器密貯

用

膽中

黃色

黃

味

辛甘

性

平散

氣

氣之薄者

臭

腥

主

鬼疰癩疾

製

研細或水

磨治 療日華子云肉治腸風瀉血炙食之不過十頓愈。膽中黃治鬼疰癩疾及惡毒風小兒疳

氣客忤天甲。脂悅顏色除風腫毒及瘡疥癬用臘月陳者佳孟詵云膽中黃治疰病研如水服。齒燒

作灰服治蛇毒。膽治惡熱毒邪氣。衍義曰：膽補五  
中黃治小兒諸癩疾。食療云：脂治婦人無乳。誦

云：肉補肌膚及五

**倉**

野豬膏煉令精細以一匙和酒  
一盞日三服令婦人多乳。外

臟不發風虛氣

腎和皮燒灰存性為末合飲下治崩中帶下并腸風  
瀉血及血痢。野豬肉二斤切著五味炙空心食之  
治久痔野雞下血不止  
**禁**肉多食令人虛肥微  
肛邊痛作羹食亦可  
動風青蹄者不可食

### 豺皮

有毒

### 胎生

豺皮主冷痺脚氣熟之以纏病上即瘥

名醫所錄

**地**

謹按

云其形似狗而長尾白頰高前廣後其色黃季秋取  
獸四面陳之以祀其先世謂之豺祭獸以報本故先  
王侯之以田禮記所謂豺祭獸然後田獵是也俗云  
豺羣噬虎言其敏捷且衆可以窘虎也本經不載所

出州土今在處  
山林或有之  
時生無採無用皮色黃性熱氣厚者

陽也  
臭腥製燒灰用治療圖經曰皮燒倉或燒灰合酒

服治疔痢腹中諸瘡  
禁肉不可食消人脂損人精神軟脚骨能瘦人

狼無毒

胎生

狼肉主補益五臟厚腸胃填精髓腹有冷積者宜食之味勝狐犬肉○喉嚨皮熟成皮條勒頭去頭痛○皮熟作番皮大煖○尾帶馬胸膺前辟邪令馬不驚

○牙帶之辟邪  
今補○謹按埤雅云其形大如狗青色作聲諸竅皆沸蓋今訓狐鳴則亦

後竅應之豺祭狼卜又善逐獸皆獸之有才智者故  
豺從才狼從良是也里語曰狼卜食狼將遠逐食必  
先倒立以卜所向故今獵人遇狼輒喜蓋狼之所嚮  
獸之所在也而靈智有如此其糞燒之煙直而聚雖  
風吹之不斜故古今烽火用者亦取其直聚而不散也

喉嚨味鹹性熱氣氣厚味薄臭腥治療別錄云狼屎  
皮時生無採無用時牙尾

尿中骨燒末服如倉狼結喉曝乾杵末入半  
黍米許止小兒夜啼錢於飯內食之治噎病

膾膾膾無毒附

胎生

膾膾膾主鬼氣尸疰夢與鬼交鬼魅狐魅心腹痛中

惡邪氣宿血結塊疰癖羸瘦等名醫所錄  
地圖經曰出西戎今東海傍

亦有之云是新羅國海狗腎舊說是骨肭獸似狐而大長尾其皮上自有肉黃毛三莖共一穴今滄州所圖乃是魚類而豕首兩足其臍紅紫色上有紫斑點全不相類每遇日出時卽浮水面以弓矢而採之取其外腎醫家用之欲驗其真置睡犬傍其犬忽驚跳若狂者爲佳兼耐收蓄置密器中常濕潤如新異魚圖云試臍肭者於臘月衝風處置盂水浸之不凍者爲真也衍義曰臍肭今出登萊州藥性論以謂是海內狗外腎日華子又謂之獸今觀其狀非狗非獸亦非魚也但前卽似獸尾卽似魚其身短有密淡青白毛腹脇下全白仍相間於淡青白毛上有深青黑點久則色復淡皮厚且韌如牛皮邊將多取以飾鞍韉其臍治臍腹積冷精衰脾腎勞極有功不待別試也似狐長尾之說蓋今人多不識也

**用**

**外色**

紅紫

**味**

辛甘

**性**

大熱

**氣**

氣之厚

者陽也

**臭**

臊

**主**

助陽氣

除積冷

**製**

雷

公



云凡使先須細認其偽者多而海中有獸號曰水鳥龍海人採得殺取腎將入藥中修合恐有誤其物自殊凡一對外有兩重薄皮裹丸其内核皮上自有肉黃毛三莖共一穴年年廕濕常如新兼將於睡犬躡足置於犬頭其犬驚如狂卽是真也若用須酒浸一日後以紙裹微微火上炙令香細剉單搗用之

**治**

**療藥性論**云治男子宿癥氣塊積冷勞氣羸瘦腎

精衰損漸成腎勞瘦悴日華子云破癥結止驚

狂癇疾及心腹疼破宿血衍義曰治臍腹積冷精衰脾勞勞極海藥云治五勞七傷陰痿少力腎氣衰弱

虛損背膊勞補日華子云補中益腎

悶面黑精冷氣暖腰膝助陽氣

**麂**

無毒附頭骨

胎生

**麂**

紀音

主五痔病燂出以薑醋進之大有效○頭骨爲

灰飲下主飛尸

名醫所錄

**地**

圖經曰出東南山谷今山林處處皆有之及均房湘漢間

尤多實麋類也爾雅麋

同鹿

大麋旄毛狗足釋曰麋

亦麋也旄毛獾

長毛也

大麋毛長狗足者名曰麋

南人往往食其肉然堅韌不及麋味美其皮作履

勝於衆皮頭亦入藥用又有一種類麋而更大名麋

諳不堪藥用山海經曰女几之山其獸多麋麋是此

衍義曰鹿獐之屬又小於獐但口兩邊有長牙好鬪

則用其牙皮爲第一無出其右者然多牙傷痕

**時**生

四方皆有山深處則頗多其聲如擊破鉢也

無採

無

**用**肉

頭骨

**色**黃

**味**甘

**性**平

**氣**緩

氣厚於味

陽中之陰

**臭**香

**禁**

多食能動痼疾妊娠

不可服及發瘡癬疥

野駝

無毒

胎生

野駝脂主頑痺風瘙惡瘡毒腫死肌筋皮攣縮踠損筋骨火炙摩之取熱氣入肉又以和米粉作煎餅食

之療痔勿令病人知

名醫所錄  
**地**

圖經曰出塞北河西今惟西北番界有之此中

盡人家畜養生息者其脂在兩峯肉間入藥家駝亦可然不及野者為佳耳衍義曰生西北界等處家生者峯蹄最精人多煮熟糟食之。謹按埤雅云駝卧腹不著地屈足漏明能行千里背有肉鞍如峯長頸高脚善負知泉脈所在遇處輒停不行其糞直上如狼煙亦知風候也段氏云其毛褥温厚煖於狐貉各何極堪禦寒遇夏退毛至盡乃能避熱故古者冬取皮於狐類而裘成夏取毛於駝類而褐成也其峯脂味甚美而脆故為八珍之一蓋功用鍾於此也

**用**

脂 毛  
蹄甲 糞

**色**

白 黃

**味**

甘

**性**

温

**氣**

氣之厚者陽也

**主**

壯筋骨潤肌膚

**治**

療

圖經曰

治風下氣

唐本注

云駱駝毛蹄甲治婦人赤

白帶下最善衍義曰糞為乾末搖鼻中治鼻衄

**倉**

領下毛燒灰取半雞子大合酒服治痔瘡

**獼猴**

無毒附肉頭骨手屎皮

胎生

獼猴肉主諸風勞釀酒彌佳○頭骨主瘡瘡作湯治

小兒則辟驚鬼魅寒熱○手主小兒驚癇口噤○屎

主蜘蛛咬○肉為脯主久瘡○皮主馬疫氣

名醫所錄

**地**

別錄云

出貴州諸山林間皆有之此物有數種都名

禹屬取色黃尾長面赤者佳若人家養者肉及屎並

不主病為其食息雜違其本真故也抱朴子云獼猴

壽八百歲即變為狻猊壽五百歲變為獬豸壽一千

歲變爲

蟾蜍

**用**肉

頭骨

屎皮

**色**黃

**味**酸

**性**平

**收**氣

氣之薄者  
陽中之陰

**倉**

頭骨一枚燒灰爲末空心合溫酒服一錢七治鬼瘧進退不定臨發再服瘥

### 敗鼓皮

### 敗鼓皮主中蠱毒

名醫所錄

**地**

衍義曰敗鼓皮處處有之以黃牛皮爲勝今不言是

何皮蓋亦以驢馬皮爲之者唐韓退之所謂牛溲馬勃敗鼓之皮俱收並蓄待用無遺者今用處亦少尤

好煎膠專用牛

**用**黃牛皮

者爲勝

**色**黃

**性**平

**氣**氣之薄者

陽中之陰

**臭**

腥製

燒灰作末用

**倉**

敗鼓皮廣五寸長一尺合薔薇根五寸如足拇指大剉以水一升酒三升

煮取一升服之治蠱下蟲有效。敗鼓皮燒作末合酒服方寸七治中蠱毒須臾當呼蠱姓名令本蠱主

呼取蟲名卽瘥亦  
治小兒五種蠱毒

### 六畜毛蹄甲

有毒

六畜毛蹄甲主鬼疰蠱毒寒熱驚癇癩瘕狂走駱駝

毛尤良

神農本草經

**地**

陶隱居云處處有之六畜謂馬牛羊豬狗雞也驢騾亦其類駱駝方家並

少用且馬牛羊雞狗毛蹄亦以各出其身之品類中而所主療則皆同也

**味**

鹹

**性**

平

**氣**

味厚於氣陰中之陽

### 驢屎

尿乳軸垢肉脂頭皮毛附

驢屎熬之主熨風腫癩瘡○尿汁主心腹卒痛諸症

忤○屎主癥癖胃反吐不止牙齒痛水毒○牝驢屎  
主燥水○馱驢屎主濕水一服五合良燥水者晝體  
成字濕水者不成字○乳甘冷主小兒熱急黃等多  
服使利○尾下軸垢主瘡水洗取汁和麵如彈丸二  
枚作燒餅瘡未發前食一枚至發時食一枚療瘡無

久新發無期者

名醫所錄

**地**

蜀本云驢色類多以鳥者爲勝今河南山陝北地多有之

日華子云驢肉涼無毒解心煩止風狂釀酒治一切風衍義曰驢肉食之動風脂肥尤甚屢試屢驗日華子乃以止風狂治一切風未可憑也煎膠用黑驢皮取其發散耳仍須鳥者用鳥之意如用烏雞子烏虵

烏鴉之類其物雖治風然更取其  
水色蓋以制其熱則生風之義也  
用 屎乳肉脂頭  
皮毛及軸垢 色

黑

臭 臭

主

去風毒  
安心氣

治

療

日華子云

驢乳治小兒癩客

忤天弔風疾。驢肉解心煩

止風狂。脂傅惡瘡疥及風腫。驢頭煮汁洗頭風  
風屑。皮煎膠食治一切風并鼻洪吐血腸風血痢  
及崩中帶下。陳藏器云黑驢溺及乳並治蜘蛛咬以  
物盛浸之瘡亦取驢溺處臭泥傅之。驢乳治蚰蜒  
入耳灌耳中即消成水。孟詵云驢骨煮作湯浴漬身  
治歷節風。煮頭汁令服二三升治多年消渴差。  
皮覆患癩人良。食療云驢乳三升熱服之治卒心痛  
連腰臍痛。別錄云驢溺熱服二合日三治反胃吐食  
稍有毒服時不可過多。驢蹄硬處削下者治飲酒  
過度欲至穿腸以水濃煮汁冷飲之瘥。驢耳中垢  
傅蠟螯。黑驢乳食後服  
倉 驢頭搗去毛煮汁以漬  
服三大合治心熱風癩 麴醞酒食之去大風。



生脂和生椒熟搗綿裹塞耳中治積年耳聾。皮和毛煎令作膠合酒服治一切風毒骨節痛呻吟不止者。脂和烏梅爲丸如桐子大治多年癩未發時服三十丸。以毛一斤炒令黃投一斗酒中浸三日空心細細飲使醉衣覆卧取汗明日更依前服治頭中一切風忌陳倉米麥麩。驢肉釀酒服之治一切風。驢駒衣燒灰合酒服之能斷酒。驢脂合石鹽和勻注兩背治眼中瘀肉。脂和鹽傅身體手足腫。烏驢頭一枚搗洗如法蒸熟細切於豉汁內煮著五味調點少酥食之治中風頭眩心肺浮熱手足無力筋骨煩疼言語似澀一身動搖。烏驢皮一張搗洗如法蒸熟切於豉汁中煮和五味再煮空心食之治中風手足不隨骨節煩疼心躁口面喎邪。驢肉一斤切於豉汁內煮五味食之治風狂憂愁不樂能安心氣。驢蹄不計多少燒灰研以生油和傅於頭骨縫上治小兒解顱不合。驢頭煮熟合薑薑噉之治

黃疸病

**禁** 驢肉不宜多食多食動風脂肥尤甚及患眼疾者不宜食肉食之喪明

塔刺不花

無毒

胎生

塔刺不花主野雞瘦瘡煮食之宜人。○頭骨去下頰

肉令齒全活小兒無睡懸之頭邊卽令得睡

補今

**名**

土撥

鼠

**地**

生山後草澤中北人掘取以食雖肥煮則無油湯無味其皮番則不濕透而甚暖也

**時**

生

無採

無

**用** 肉

頭骨

**味**

甘

**性**

緩

**氣**

氣之薄者陽中之陰

**臭**

腥

**禁**

多食難剋

化微

動氣

毫豬膏

毫豬膏利大腸

名醫所錄

**地**

圖經曰出陝洛江東諸山中並有之鬣間有毫如箭能射

人肉味甘美其膏不可多食

**時**

生

無採

冬月取

**收**

斃器密貯

**用**

膏

**色**

白

**味**

甘

**性**

緩

**氣**

氣之薄者陽中之陰

**臭**

腥

**禁**

膏多食發風氣及令人虛羸

### 五種陳藏器餘

諸血味甘平主補人身血不足或因患血枯皮上膚起面無顏色者皆不足也並生飲之又解諸藥毒菌毒止渴除丹毒去煩熱食筋令人多力○果然肉味鹹無毒主瘡瘴寒熱煮食之亦坐其皮爲褥似猴人

面毛如蒼鴨肋邊堪作褥南州異物志云交州有果然獸其名自呼如猿白質黑文尾長過其頭鼻孔向天雨以尾塞鼻孔毛溫而細爾雅雌仰鼻而長尾郭注與此相似也○狨獸無毒主五野雞病取其脂傅瘡亦食其血肉亦坐其皮積久野雞病皆差也似猴而大毛長黃赤色生山南山谷中人將其皮作鞍褥○狼筋如織絡袋子似筋膠所作大小如鴨卵人有犯盜者熏之當脚攣縮因之獲賊也或云是狼胫下

筋又云蟲所作未知孰是狼大如狗蒼色鳴聲諸孔  
皆沸○諸肉有毒獸岐尾殺人鹿豹交殺人羊心有  
孔殺人馬蹄夜目五月已後食之殺人犬懸蹄肉有  
毒殺人不可食米甕中肉殺人漏沾脯殺人肉中不  
有星如米殺人羊脯三月已後有蟲如馬尾有毒殺  
人脯曝不燥火燒不動入腹不消久置黍米甕中令  
人氣閉白馬鞍下肉食之損人五臟馬及鹿膳白不  
可食乳酪及大酢和食令人爲血痢驢馬兔肉妊娠

不可食乳酪煎魚鱠瓜和食立患霍亂豬牛肉和食  
令人患寸白蟲諸肉煮熟不斂水食之成瘕食兔肉  
食乾薑令人霍亂市得野中脯多有射罔毒食諸肉  
過度還飲肉汁卽消食腦立銷

本草品彙精要卷之二十五